

Relatóriu Workshop Introdusaun nian kona-ba Preparasaun Lojístika Umanitária

**Hotel Novo Turismo, Dili – Timor Leste
Ministériu Interiór, Autoridade Protesaun Sivil (APC)
14-15 Novembru 2024 | Dili, Timor-Leste**



Kontaktu sira

1. Sr. Jesuino dos Reis de Matos Carvalho L.Ap, Prezidente Autoridade Protesaun Sivil, Repúblika Demokrátika Timor-Leste | prezidente@apc.gov.tl
2. Sr. Cesario da Silva Marques, Diretór Gabinete Kooperasaun no Relasaun Esterna, Autoridade Protesaun Sivil | grec@apc.gov.tl
3. Sr. Patrick Mills Lamptey, Xefe Kadeia Fornesimentu, WFP Timor Leste | patrick.millslamptey@wfp.org
4. Sr. Joni Barreto, Ofisiál Preparasaun Lojístika, WFP Timor-Leste | joni.barreto@wfp.org
5. Projektu Logistics Cluster Field Based Preparedness | hq.glc.preparedness@wfp.org

Lista abreviasaun sira

AACTL: Autoridade Aviasaun Sivil Timor Leste)

ANATL: Autoridade Nasionál Aviasaun Timor-Leste

CI: Care International

CN: Care National

CPA: Autoridade Protesaun Sivil (APC)

CVTL: Cruz Vermelha Timor-Leste.

DDM: Department of Disaster Management / Departamentu Jestaun Dezastre

DFAT: Department of Foreign Affairs and Trade / Departamentu Negósiu Estranjeiru no Komérsiu

DRC: Department of Revenue and Customs / Departamentu Reseita no Alfândega

DRM: Disaster Risk Management / Jestaun Risku Dezastre

EUCPHA: European Union Civil Protection and Humanitarian Aid
Protesaun Sivil no Ajudu Umanitária Uniaun Europeia nian

FAO: Food and Agriculture Organization / Organizasaun ba Ai-han no Agrikultura

FBPP: Field Based Preparedness Project / Projetu Preparasaun ho Baze iha Kampu.

F-FDTL: Falintil – Forsa Defeza Timor-Leste

GHA: German Humanitarian Assistance / Asisténsia Umanitária Alemaña nian

IFRC: The International Federation of Red Cresscent
Federasaun Internasionál Sosiedade Kruz Vermelha no Kresente Vermelha

IOM: International Organization for Migration / Organizasaun Internasionál ba Migrasaun

MC: Mercy Corps

MOAFF: Ministry of Agriculture, Fisheries and Forestry / Ministériu Agrikultura, Peska no Floresta

MOF: Ministry of Finance / Ministériu Finansas

MOH: Ministry of Health / Ministériu Saúde

MOI: Ministry of Interior / Ministériu Interiór

MOPW: Ministry of Public Works / Ministériu Obras Públicas

MSSI: Ministry of Social Solidarity and Inclusion / Ministériu Solidariedade Sosiál no Inklusaun

MTC: Ministry of Transportation and Communication / Ministériu Transporte no Komunikasaun

MTCI: Ministry of Trade, Commerce and Industry / Ministériu Komérsiu no Indústria

NLC: National Logistics Center / Sentru Lojística Nasionál

PI: Plan International

PN: Plan National

PNTL: Polisia Nasional Timor Leste

RBB: WFP Regional Bureau in Bangkok / Eskritóriu Rejionál WFP nian iha Bangkok

SOS: Sekretáriu Estadu

UNDP: United Nations Development Programme/ Programa Nasoins Unidas nian ba Dezenvolvimentu

UNICEF: United Nations International Children Fund
Fundu Internasionál Nasoins Unidas nian ba Labarik

USAID: United States Agency for International Development
Ajênsia Estados Unidus nian ba Dezenvolvimentu Internasionál

WB: World Bank / Banku Mundiál

WFP: World Food Programme / Programa Ai-han Mundiál

WHO: World Health Organization / Organizasaun Mundiál Saúde

Sumáriu Ezekutivu

Workshop introdusaun kona-ba Preparasaun Lojístika Umanitária ne'ebé hala'o iha Dili, Timor-Leste iha loron 14-15 fulan-novembru tinan 2024 sai nu'udar pasu fundamentál ida ba hakbiit kapasidade lojístika nasional nian hodi hatán ba emerjénsia. Organiza hosi Autoridade Protesaun Sivil (APC) liu-husi kolaborasaun ho Programa Ai-han Mundiál (WFP), workshop ida-ne'e introdús objetivu sira *Logistics Cluster's Field Based Preparedness Project* (FBPP) nian iha Timor-Leste hodi avalia nível preparasaun lojístika umanitária atuál, identifika lakuna sira, no fomenta esforsu koordinadu ba resposta umanitária ho efetivu.

Durante workshop loron rua ne'e, partisipante sira envolve iha série apresentasaun, diskusaun tékniku, no sesaun sira traballu grupu nian ne'ebé foka ba polítika no kuadru operasionál, protokolu emerjénsia nasional, prioridade sira lojístika umanitária nian, no mapeamentu nesesidade kapasidade parte-interesada sira nian. Pontu prinsipál sira inklui diskursu abertura hosi ofisiál superiór sira governu nian no lideransa WFP nian ne'ebé enfatiza lideransa no kompromisu forte ba sistema resposta lojístika ida ne'ebé resiliente. Partisipante sira mós espresa nesesidade atu aumenta investimentu iha preparasaun lojístika no kolaborasaun entre ajénsia sira.

Durante workshop ne'e, partisipante sira halo análise SWOT no avaliasaun prontidaun ne'ebé kulmina iha reflesaun nesesidade kapasidade setoriál no estratéjia engajamentu parte-interesada sira-nian. Atividade hirak-ne'e fasilita kompriensaun abranjente ida kona-ba forsa no vulnerabilidade sira ne'ebé eziste iha panorama lojístika umanitária Timor-Leste nian no re-afirma nesesidade ba asaun urjente.

Workshop ne'e konklui ho kompromisu hosi Governu atu estabelese grupu traballu tékniku ida hodi avansa pasu sira tuirmai ba implementasaun planu dezvoltamentu kapasidade lojístika nasional, aumenta koordinasaun multisetoriál, no estabelese prosedimentu operasionál sira ne'ebé klaru-liu ba lojístika emerjénsia. Esforsu kolaborativu ida-ne'e determina marku signifikativu ida hodi estabelese sistema lojístika umanitária ida ne'ebé resiliente, preparadu no koordinadu iha país ne'e.

Introdusaun

Timor-Leste hasoru dezafiu jeográfiku no operasionál sira ne'ebé signifikativu hanesan país ida ne'ebé situa iha zona ho risku aas ba Ring of Fire (*Anel de Fogo*). Ninia vulnerabilidade ba dezastre naturál boot sira—mak hanesan rai-nakdoko, tempu estremu ne'ebé indús hosi klima, no perigu sekundáriu sira mak hanesan rai-halai, inundasaun repentina, udan ho anin boot, no inséndiu florestál sira—presiza sistema resposta emerjénsia ida ne'ebé koordinadu no resiliente. Eventu klimátiku sira foin lalais ne'e, partikularmente udan maka'as no inundasaun ne'ebé akontese hosi Siklone Tropikál Seroja entre loron 29 fulan-Marsu no loron 4 fulan-Abril tinan 2021 husik hela impaktu signifikativu kona-ba variabilidade klimátika iha panorama risku dezastre Timor-Leste nian. Eventu hirak-ne'e hamosu inundasaun no rai-halai iha fatin-fatin iha munisípiu 13 laran tomak hodi kauza estragu boot ba infraestrutura, uma, no meu-subsiénsia sira. Avaliasaun Nesesidades Pós-Dezastre nian kalkula kustu ekonómiku hosi eventua hirak-ne'e atinje dolar tokon ba tokon hodi rai hela todan finanseiru ne'ebé konsideravel ba esforsu rekuperasaun nasional. Dezafiu operasionál sira ne'ebé hamosu ona ne'e, inklui disrupsaun ba kadeia abastesimentu no aumenta iha kustu resposta nian, enfatiza liután nesesidade urjente ba hakbiit kapasidade lojística no jestaun dezastre hodi mitiga lakon-ekonómiku iha futuru no aseguira mekanizmu resposta ne'ebé resiliente liután.

Aumenta ho dezafiu sira relaciona ho terrenu asidentadu, área montañozu, no infraestrutura transporte ne'ebé limitadu—fatór hirak ne'e komplika liután asesu ba populaasaun sira ne'ebé hela iha área remota no vulneravel. Estrada sira ne'ebé kloot no ladún iha manutensaun liuliu durante tempu udan difikulta tebes operaasaun no resposta lojística nian ho pontuál, kadeia abastesimentu sira hetan perturbasaun no dala-wain la to'o ba comunidade izoladu sira.

Haree ba vulnerabilidade hirak-ne'e, importante tebetebes atu iha kuadru lejislativu, política no operasionál sira ne'ebé koerente. Avansu sira foin lalais ne'e iha lejislasaun emerjénsia, inklui promulgasaun lei sira ne'ebé mellora koordinasaun jestaun dezastre nian estabelese mandatu ida ne'ebé klaru atu aumenta reziliénsia nasional no efisiénsia operasionál. Autoridade Protesaun Sivil (CPA) ezerse papél sentráli iha kuadru ida-ne'e nu'udar ajénsia dirijente nasional hodi koordena esforsu sira preparaasaun no resposta emerjénsia nian iha setór hotu-hotu.

Workshop loron-rua ne'e reforsa mandatu importante ida-ne'e no foka liuliu ba aspetu relevante sira kona-ba kadeia abastesimentu nasional no preparaasaun lojística inklui dezafiu sistémiku, nesesidade no prioridade sira.

Vizaun Jerál no Estrutura Workshop nian

Introdusaun Workshop ida-ne'e ho objetivu atu hatuur fundamentu sólidu ida ba futuru kadeia abastesimentu umanitária no iniciativa lojística iha Timor-Leste. Ninia objetivu prinsipál maka atu aumenta komprensaun kona-ba dezastre.



Workshop ne'e buka atu atinje objetivu sira tuirmai:

1. Introdús abordajen atuál no polítika sira governu nian relasiona ho jestaun dezastre, enfatiza importánsia iha resposta lojística ida ne'ebé koordinadu.
2. Fornese atualizasaun kona-ba reforma resente sira iha Timor-Leste nia estrutura jestaun dezastre nia laran, liuliu protokolu ativasan no responsabilidade funsióal APC no respondente umanitáriu sira-seluk nian.
3. Destaka esperiénsia resente país nian iha ámbitu Projetu Preparasaun Agrupamentu Lojística nian ho Baze iha Kampu, hodi hatudu oinsá intervensaun hirak-ne'e bele hametin kadeia abastesimentu no preparasaun lojística Timor-Leste nian.
4. Haburas kolaborasaun entre parte-interesada sira liuhosi estabelese mekanizmu koordinasaun lojística lidera nasionalmente ne'ebé sei fasilita ba hametin koordinasaun lojística relevante, fahe informasaun no mobilizasaun.

Loron 1^u – 14 Novembru 2024

Sesaun dadeer nian hala'o ho diskursu abertura hosi lideransa APC no WFP nian:

- Sr. Jesuino dos Reis de Matos Carvalho L. Ap, Presidente Autoridade Protesaun Sivil (APC), representa lideransa operasionál governu nian iha preparasaun ba dezastre no jestaun risku.
- Sr. Domingos Mariano Reis, Sekretáriu Estadu Protesaun Sivil, representa lideransa polítika governu nian iha preparasaun ba dezastre no jestaun risku
- Sr. Amin Said, Deputy Country Director no Ofisiál Enkarregadu, representa lideransa institusionál WFP nian ba kadeia abastesimentu umanitária no atividade lojística sira.

Sesaun ne'e inklui apresentasaun sira kona-ba Lei Nasionál Jestaun Dezastre, konseitu hosi Projetu Preparasaun ho Baze iha Kampu (FBPP), dadus multi-perigu no estratéjia sira preparasaun ba dezastre, inklui elementu xave sira ba relatóriu dezastre nian.

Depois iha loron ne'e partisipante sira envolve iha diskusaun grupu hodi fahe sira-nia esperiénsia no prioridade setoriál ida-idak nian, halo análise Forsa Frakeza Oportunidade no Ameasa (SWOT) kona-ba preparasaun lojística atuál país nian ba emerjénsia sira, no halo mapeamentu parte-interesada xave sira nian ba engajamentu iha futuro.

**Haree iha Aneksu I, ajenda detalladu loran 1^u nian.*

Loron 2^u – 15 Novembru 2024

Foku muda ba sesaun grupu traballu detalladu sira ne'ebé dezeña atu halo mapeamentu nesidade kapasidade nian iha área krítiku sira mak hanesan polítika & enkuadramentu regulamentár, efetividade institusionál no akuntabilidade, planeamentu estratéjiku no finansiamentu, kadeia abastesimentu umanitária & planeamentu lojística, no engajamentu ho autór umanitária relevante sira. Sesaun hirak-ne'e ho objetivu atu hadi'a enkuadramentu operasionál, define ámbitu no responsabilidade parte-interesada xave sira-nian, no define termu referénsia sira mekanizmu koordinasaun lojística nian, asegura aliñamentu ho estratéjia sira nasional nian ba redusaun risku dezastre.

Abordajen estrukturaudu ida-ne'e promove partisipasaun inkluzivu no fahe koñesimentu, ne'ebé kulmina iha endosu planu asionável sira ne'ebé sei orienta esforsu kontínuu Timor-Leste nian atu mellora koordenasaun lojística emerjénsia no preparasaun ba emerjénsia sira.

** Haree iha Aneksu II, agenda detalladu loron 2^u nian*

Persepsaun husi Sesaun Xave sira

Loron 1^u

Introdusaun kona-ba Projetu Preparasaun Agrupamentu Lojística nian ho Baze iha Kampu (FBPP), apresentasaun ida husi Sra. Wipawa Chuenchit, Ekipa Agrupamentu Lojística

Sra. Wipawa Chuenchit realsa katak FBPP nu'udar iniciativa krusiál ida ne'ebé dezeña atu harii Timor-Leste nia kapasidade lojística umanitária rasik hodi fó-dalan ba governu atu lidera no sustenta esforsu preparasaun ho independente. Ho fundamentu iha abordajen agrupamentu umanitária nian, FBPP apoia dezvoltamentu kapasidade institusionál sira liuhosi análise estrukturaudu, planeamentu, no implementasaun fazeada ho foku ba asaun auto-suficiente ba tempu naruk.

Hodi hakbiit autór lokál sira, no integra atividades iha sistema nasional sira, FBPP garante katak prontidaun ba dezastre sira mantein no habelar sein depende ba apoiu esterna. Abordajen ida-ne'e aliña ho objetivu estratéjiku Timor-Leste nian atu haburas jestaun dezastre sustentável ne'ebé lidera husi governu—halo FBPP sai nu'udar pasu vitál ba asaun nasional ne'ebé resiliente no autónomu iha lojística umanitária.

Apresentasaun kona-ba Enkuadramentu Legál iha Autoridade Protesaun Sivil – apresentasaun ida husi Sr. Cesario da Silva Marques, Diretór Gabinete Relasaun Esterna no Komunikasaun – GREC.

Reprezenta kompromisu Governu nian hodi mellora jestaun dezastre, Sr. Cesario da Silva Marques subliña baze legál no organizasionál sira protesaus sivil nian iha Timor-Leste. Enkuadramentu legál ne'ebé maka hatuur ona iha artigu konstitusionál no lei espesífiku sira, delineia ho klaru papél hosi entidade seguransa sira mak hanesan forsa armada, polisia, no Autoridade Protesaun Sivil (APC). Lei Protesaun Sivil (No. 12/2020) estabelese formalmente APC no ninia responsabilidade sira hodi reforsa governu nia rezolusaun atu koordena esforsu sira resposta dezastre nian ne'ebé abranjnte.

APC funsiona iha Ministériu Interiór nia okos no estrukturaudu atu facilita komandu no kontrolu ne'ebé efektivu durante emerjénsia sira ho forsa traballu dedikadu ida ho pesoál liu 800. Ninia responsabilidade xave sira inklui facilita fahe informasaun, koordena resposta multi-ajénsia nian, no ezejuta faze sira hosi alerta to'o ba faze deklarasaun kalamidade nian liu-husi parseria ho autór nasional no internasionál sira.

Arkitetura legál no organizasionál ida-ne'e vitál ba abordajen ida ne'ebé sistemátiku no unifikadu ba preparasaun no resposta ba dezastre. Hametin enkuadramentu ida-ne'e fundamentál atu hasa'e kapasidade lojístika umanitária Timor-Leste nian, asegura resposta rápidu, koordinada, no efetivu ba emerjénsia sira, no salvaguarda meius subsisténsia no reziliénsia.

Análize SWOT - sesaun diskusaun no apresentasaun kona-ba preparasaun lojístika nasional no esperiénsia partisipante hotu-hotu nian kona-ba preparasaun ba emerjénsia

Sesaun ne'ebé fasilita husi Sr. Agostinho Cosme Belo (CPA) no Sr. Joni Barreto (WFP) ne'e fornese hanoin valiozu kona-ba estadu atuál lojístika umanitária iha Timor-Leste, destaka tantu kapasidade interna no área sira atu hadi'a, no-mós fatór esterna sira ne'ebé influencia efikásia resposta nian.



Forsa sira inklui enkuadramentu legál suportivu ida, orsamentu sira ne'ebé aloka ona—liuliu ba fundus kontinjénsia—no ativu lojístiku esensiál sira mak hanesan veikulu kmaan, instalasaun, ekipamentu sira, no kapasidade resposta rápidu. Elementu hirak-ne'e fornese baze fundamentál ba operasaun sira resposta emerjénsia nian.

Frakeza sira mosu liuliu hosi lakuna sira iha kapasidade armajen nian, inklui atrazu sira ne'ebé kauza hosi kondisaun estrada ne'ebé ladi'ak, estoke prepozisionadu sira ne'ebé la adekuaadu, no jestaun armajen ne'ebé la efisiente. Dezafiu adisionál sira inklui estrutura komandu ne'ebé la klaru, rekursu umanu no kompeténsia sira ne'ebé limitadu iha nivel kampu, no kestaun sira relasiona ho jestaun dados, koordinasaun, no implementasaun lojístika—ne'ebé hetok aat liután tanba prosesu burokrátiku, inefisiénsia transporte nian, no rekursu sira ne'ebé la korresponde.

Oportunidade sira maka hanesan hametin koordinasaun no parseria ho parte interesada oioin, hasa'e dezvoltamentu kapasidade, padroniza prosedimentu sira liu-hosi Prosedimentu Operasionál Padraun (SOP) sira, haburas inovasaun no fahe koñesimentu hodi mellora efisiénsia preparasaun no resposta nian.

Ameasa sira abranje kondisaun estrada no infraestrutura ne'ebé limitadu, pesoál kualifikadu limitadu, no kompetisaun institusionál. Risku sira seluk mak hanesan rotasaun polítika, korupsaun, inserteza regulatóriu, no perspetiva dezastre ne'ebé ultrapasa kapasidade atuál nasional nian mós hamosu dezafiu signifikativu sira ba asaun umanitária ne'ebé efetivu.

Ho ninia konkluzau katak, importante tebetebes atu aproveita forsa no oportunidade sira ne'ebé eziste enkuantu rezolve frakeza interna no ameasa sira ne'ebé prevee ona atu avansa kapasidade resposta lojístika umanitária Timor-Leste nian hodi garante rezultadu (outcome) jestaun dezastre nian ne'ebé reziliente, koordinadu no oportunu liu.

Tabela 1. Análize SWOT

Forsa sira	Frakeza sira
• Enkuadramentu regulamentár ne'ebé apoia mak hanesan iha regulamentu resposta emerjénsia ne'ebé autoriza CPA hetan kompeténsia tomak atu responde. • Alokasaun orsamentu ba CPA liu-liu fundus kontijensia ba resposta • Orsamentu ba servisu koordenasau nian • Disponibilidade veíkulu kmaan ba transporte pasajeiru • Disponibilidade ba fasilidade no ekipamentu sira • Kapasidade aumenta/standby.	• Kapasidade no kondisaun armajen sira nian • Atrazu iha resposta emerjénsia tanba estoke limitadu no kondisaun estrada. • Prepozisionamentu estoke ne'ebé falta / la-adekuaadu* • Falta-de estoke prepozisionadu iha munisípiu sira • Jestaun/kontrolu armajen ne'ebé la efisiente* • Falta-de monitorizasaun ba data kaduka sasán sira nian • Liña komandu sira ne'ebé la klaru • Jestaun rekursu umanu liuliu kona-ba planeamentu kontinuidade negósiu (reforma, rotasaun) • Rekursu umanu ne'ebé la adekuaadu • Falta-de kompeténsia ka kapasidade liu-liu iha nivel kampu • Nepotizmu • Orsamentu ka finansas ne'ebé la adekuaadu ba operasaun no manutensaun patrimóniu no infraestrutura – orsamentu sentralizadu • Jestaun dados benefisiáriu nian • Koordenasau, komunikasaun laiha ka la-efetivu • Define alvu ba área operasionál sira • Nesesidade no fomesimentu sira la-korresponde • Distribuisau ne'ebé la ekilibradu • Duplikasaun esforsu sira resposta nian • Falta-de ekipamentu operasionál, inklui armajen temporáriu sira • Transporte no jestaun transporte ne'ebé la adekuaadu • Jestaun informasaun la adekuaadu; sistema dados ne'ebé la efisiente

Oportunidade sira	Ameasa sira
• Koordenasaun no kolaborasaun ho parseiru sira hodi fornese resposta ba emerjénsia; resposta inter-ajénsia sira • Dezenvolvimentu kapasidade ka oportunidade transferénsia koñesimentu • Inovasaun & parseria sira • Koordenasaun liña ministériu sira-nian • Planeamentu ba Preparasaun • Fahe esperiénsia • Padronizasaun operasaun (SOP) sira	• Kondisaun estrada no infraestrutura sira la-di'ak • Falta-de rekursu umanu kualifikadu • Ego institusionál no setoriál – sentidu limitadu ba kolaborasaun entre organizasaun ka setór sira • Interese sira ne'ebé konflitu/ la-aliña entre organizasaun sira • Falta-de kontrolu seguransa no kondisaun veíkulu • Korrupsaun • Inserteza regulamentár (alterasaun lei) • Presaun polítika/mudansa vontade polítika • Potensia ba dezastre ho eskala bo'ot ne'ebe liu tiha kapasidade nasional nian • Konflitu entre respondente no vítima sira

Loron 2^a

Ezersísiu Mapeamentu Nesesidade Kapasidade revela ka reforsa lakuna kritiku no oportunidade sira ne'ebé eziye atensaun urjente hosi governu atu mellora kadeia abastesimentu no preparasaun lojístika umanitária no-mós mekanizmu resposta Timor-Leste nian. Deskobrimentu hirak-ne'e destaka área sira iha-ne'ebé asaun estratéjiku esensial atu harii sistema lojístika umanitária ida ne'ebé reziliente, koordenadu no auto-suficiente.

Kamiñu 1: Política no Regulamentu Kadeia Abastesimentu & Lojístika Umanitária (HSC&L) Partisipante sira identifika elementu fundamentál sira mak hanesan instrumentus setoriál, parseria rejional, no integrasaun multi-setoriál ne'ebé eziste nu'udar kapasidade emerjente ka moderadu. Buat hirak-ne'e hetan apoiu hosi kolaborasaun ne'ebé hala'o hela ho parseiru internasionál sira mak hanesan IOM, WFP, no Parseria Umanitária Austrália nian. Maski-nune'e, sei nafatin eziste lakuna sira iha transparénsia no komprensaun regulamentár entre respondente umanitáriu sira, avaliasaun kapasidade rutina, no liña koordenasaun ne'ebé efetivu presiza hadi'a mekanizmu sira parseria nian.

Kamiñu 2: Efetividade no Responsabilidade Institusionál

Enkuantu rekoñesimentu institusionál no ajénsia sira hanesan CPA ninia papél ne'ebé estabelese ona, lakuna inklui impedimentu burokrátiku sira, diseminaun informasaun ne'ebé fragmentadu, no dijitalizasaun ne'ebé la adekuaadu difikulta efisiénsia operasionál no toma desizaun nian. Hametin koordenasaun iha nivel hotu-hotu, estabelese sistema informasaun ne'ebé robustu, no klarifika estrutura sira komandu nian sai hanesan prioridade aas atu hasa'e kapasidade institusionál sira.

Kamiñu 3: Planeamentu Estratéjiku no Finansiamentu

Mekanizmu finansiamentu estratéjiku atuál ba dezastre sira seidauk dezenvolve, ho lakuna sira iha sistema armajen nasionál no operasaun lojístika sira. Orsamentu limitadu ba prepozisionamentu, ativu lojístiku no atividade preparasaun nian impede prontidaun. Ida-ne'e presiza asaun urjente atu formaliza planu emerjénsia sira ne'ebé abranjente.

Kamiñu 4: Planeamentu ba Preparasaun HSC&L

Planu preparasaun ezistente ne'e antigu ka la-ativu ona, ho vontade polítika no apoiu lejislativu identifika ona nu'udar fasilitadór kritiku ba ninia reativasaun. Kapasidade atu implementa no tau-matan ba planu hirak-ne'e hetan limitasaun tanba rekursu la to'o no obstákulu burokrátiku sira, nune'e enfatiza nesesidade ba re-engajamentu, kapasitasaun, no mekanizmu akuntabilidade ne'ebé klaru-liu. Alende lideransa husi governu, parseiru sira inklui CVTL, IOM, UNDP no WFP hatu'o kompromisu atu apoiu dezvoltimentu iha area ida-ne'e.



Kamiñu 5: Engajamentu Autór sira-seluk nian iha Kadeia Abastesimentu Umanitária & Lojístika (HSC&L)

Envolvimentu atuál autór esterna sira-nian hetan impedimentu hosi kompetisaun institusionál, dezaliñamentu polítiku no falta-de rekursu. Fornese plataforma ida ka koligasaun inkluzivu parseiru sira-nian sei fomenta ko-propriedade, kolaborasaun conjunta, mekanizmu finansiamentu ne'ebé rasionalizadu, inovasaun, no kapasidade lokál ne'ebé hasa'e ona.

Jeralmente, avaliasaun ba kamiñu ida-ne'e subliña importánsia ba dezvoltimentu kapasidade ne'ebé iha alvu, alokasaun rekursu estratéjiku, no enkuadramentu parseria ne'ebé metin. Implementa deskobrimentu hirak-ne'e sei krusiál ba transformasaun sistema lojístika umanitária Timor-Leste nian ba iha kapasidade ida ne'ebé resiliente, koordinadu ho di'ak no auto-sufisiente, ne'ebé bele jere dezastre sira ho efetivu no salvaguarda vida no meu-subsisténsia.

Sumáriu deskobrimentu sira CNM nian

Kamiñu / Pakote Kapasidade	Latente				Emerjente				Moderadu				Auto-sufisiente			
Kamiñu 1: Ambiente regulamentár no Política HSC&L nian																
1.1 HSC&L nia instrumentu setoriál					X					X	X	X				

1.2 Integrasaun multi-setoriál HSC&L nian					X	X	X				X				
1.3 Parseria HSC&L Internasionál / Rejionál					X	X	X				X				
Kamiñu 2: Efetividade no Akuntabilidade Institusionál HSC&L nian															
2.1 Mandatu no rekoñesimentu institusionál HSC&L nian									X	X	X	X			
2.2 Koordenaun no akuntabilidade HSC&L nian									X	X	X	X			
2.3 Mekanizmu diseminaun informasaun HSC&L nian									X	X	X	X			
2.4 Optimizasaun prosesu HSC&L liu-husi dijitalizasaun					X	X	X	X							
2.5 Abordajen bazeia-ba evidénsia ba HSC&L					X	X	X	X							
2.6 Ativu, plataforma no infraestrutura sira HSC&L nian	X					X	X	X							
2.7 Parseria HSC&L Nasionál / lokál relevante sira									X	X	X	X			
Kamiñu 3: Planeamentu Estratéjiku no Finansiamentu ba HSC&L															
3.1 Propozisaun valór HSC&L nian	X	X	X		X										
3.2 Planeamentu estratéjiku ba HSC&L					X	X	X		X						
3.3 Finansiamentu sustentável ba HSC&L	X				X	X	X								
3.4 Sistema jestaun finanseira sira (MIS)	X				X	X	X								
Kamiñu 4: Planu Preparasaun HSC&L Nasionál															
4.1 Dezeñu ba Planu Preparasaun HSC&L nian	X				X	X	X								
4.2 Implementasaun Planu Preparasaun HSC&L	X				X	X	X								
4.3 Kapasidade implementasaun HSC&L parte-interesada sira-nia	X				X	X	X								
4.4 Responsabilidade no jestaun ba keixa sira					X				X	X	X				
Kamiñu 5: Engajamentu autór sira-seluk iha HSC&L															
5.1 Iha dezeñu Planu Preparasaun HSC&L	X				X	X	X								

5.2 Iha implementasaun Planu Preparasaun HSC&L	X				X	X	X									
5.3 Peskiza, dezvoltamentu no inovasaun iha HSC&L					X	X	X		X							
5.4 Kapital umanu sustentável iha HSC&L	X				X	X	X									

Pontu ba Asaun no Rekomendasaun sira

Ekipa Autoridade Protesaun Sivíl (CPA) liu-husi kolaborasaun ho parte-interesada sira, trasa ona kamiñu estratéjiku ida atu ba-oín hodi sustenta no mellora momentum ne'ebé alkansa liu-husi workshop ida-ne'e. Asaun sira tuirmai ne'e rekomenda atu garante progresu kontínuu no melloramentu operasionál sira:

1. Reeve Mapeamentu Nesesidade Kapasidade no institucionaliza kadeia abastesimentu umanitária no mekanizmu koordinasaun lojística

- Bazeia-ba mapeamentu parte-interesada sira nian, valida fila-fali deskobrimentu sira CNM nian ho lideransa CPA, no kategoriza sira-nia papél iha kuadru resposta umanitária nia laran.
- Prepara esbosu detalladu ida kona-ba proposta TOR sira hosi grupu traballu tékniku lojística nian hodi asegura aliñamentu ho nesesidade atuál no prioridade nasional sira.
- Bainhira hetan ona revizaun, desenvolve planu ida atu institucionaliza grupu liuhosi aprovasaun no endosu ofisiál, estabelese ninia papél, responsabilidade, no prosedimentu operasionál sira hodi hadi'a koordinasaun no efetividade toma desizaun nian.

2. Hala'o tan Workshop Akompañamentu ida (*follow-up workshop*)

- Marka oráriu no fasilita workshop daruak iha fulan-Marsu 2025 nia klaran, no CPA mak lidera prosesu refere.
- Sesaun ida-ne'e sei foka ba revizaun aspetu sira ne'ebé antes ne'e la kobre mak hanesan formalizasaun ba Termu Referénsia (TOR) Grupu Traballu nian.

Asaun estratéjiku hirak-ne'e krusiál tebes atu estabelese sistema lojística umanitária ida ne'ebé estruturadu, transparente no sustentável. Akompañamentu (*follow-up*) konsistente no fortalecimento arranju institucionál sira sei hakbiit CPA no ninia parseiru sira atu antisipa no responde ba dezastre sira iha futuru ho efetivu, nune'e hamenus lakuna resposta nian no hametin reziliénsia nasional.

Testemuñu sira

Sra. Monica Soares, Pesoál Kampu (Cruz Vermelha Timor Leste-CVTL)

“Atu hametin efisiénsia operasionál no resposta ba emergjénsia, esensial atu hasa'e kapasidade no koñesimentu organizaun nian ba preparasaun lojística ne'ebé di'ak liután. Inisiativa ida-ne'e mós apresenta oportunidade valiozu ida ba CVTL atu hametin ninia papél nu'udar órgaun xave ida ba koordinasaun entre parte-interesada sira ne'ebé envolve iha preparasaun lojística no resposta ba emergjénsia sira”.

Sr. Jesuino dos Reis de Matos Carvalho L.Ap, Prezidente Autoridade Protesaun Sivil, Repúblika Demokrátika Timor Leste

“Ita tenke iha nafatin esperansa katak Timor-Leste seguru husi risku dezastre sira, maski-nune’e, ita tenke preparadu no matan-moris neon-na’in. Hau espera sei hasoru fila-fali ita-boot sira hotu iha workshop tuirmai”.

Sr. Domingos Mariano Reis, Sekretáriu Estadu Protesaun Sivil

“Inception Workshop ida-ne’e marka tan faze tuirmai atu mellora preparasaun lojístika nasional iha Timor-Leste ho abordajen ida inkluzivu liután. Nu’udar ajénsia dirigente ba koordenaun resposta emerjénsia entre setór oioin ne’ebé envolve iha preparasaun no resposta ba emerjénsia, CPA iha ninia mandatu no interese atu garante katak resposta setorial sira alkansa duni objetivus komún, rezolve lakuna komún, evita duplikasaun, no hamutuk atinje prioridade komún sira iha setór hotu-hotu”.

Apêndise

Aneksu I

**Workshop Introdusaun kona-ba
Preparasaun Logístika Humanitaria
Humanitarian Logistics Preparedness
Inception Workshop
14 - 15 Novembro 2024,
Hotel Novo Turismo, Dili – Timor Leste**

AJENDA
Loron 1^u – 14 Nov 2024

Oráriu	Atividades	Aprezentadór/a (GREC)
08:30–09:00	• Rejistu ba workshop	CPA-GREC
09:00-09:05	• Orasaun abertura	CPA-GREC
09:05–09:15	• Diskursu abertura husi Prezidente Autoridade Protesaun Sivil	Prezidente APC
09:15–09:25	• Diskursu husi Country Director OIC-WFP	Mr. Amin Said – Country Director OIC Eskritoriu WFP iha Timor-Leste
09:25-10:35	• Diskursu husi Sekretariu Estadu Autoridade Protesaun Sivil.	Sekretariu Estadu APC
10:35-10:50	• Sesaun Foto Grupu no Intervalu Kafé	Partisipante hotu-hotu
10:50 -11:15	• Introdusaun ba progresu FBPP & objetivu husi workshop	Ms. Wipawa Chuenchit - Logistics Cluster Support Team
11:15-11:35	• Apresentasaun GREC nian kona-ba lejislasaun CPA nian	APC (Cesario da Silva Marques, Diretór Gabinete Relasaun Esterna no Komunikasaun)
11:35-11:55	• Dadus kona-ba perigu oioin (multi-hazard)	APC (Martinho de Fatima – Diretór Land Operations)

11:55-12:15	Aprezentasaun DNRE nian kona-ba Antecedente, foka ba prioridade sira ekipa lojística nian, lójiku, no transferénsia responsabilidade hosi xefe ekipa lojística ba Autoridade Protesaun Sivil	APC (Jaime Gonsalves dos Santo – Diretor Resposta Emerjénsia Nasionál)
12:15-13:15	Intervalu ba almosu	
13:15-13:55	Sesaun Grupu Traballu 1: Sesaun diskusaun Preparasaun Lojística Nasionál no esperiénsia sira kona-ba preparasaun ba emerjénsia.	Partisipante sira & Ekipa Fasilitadór husi WFP (Joni Barreto) & CPA(Jaime Gonsalves dos Santos & Agostinho Cosme Belo)
13:55-14:35	Sesaun Grupu Traballu 2: análise SWOT - Sesaun diskusaun no apresentasaun Preparasaun Lojística Nasionál no esperiénsia sira kona-ba preparasaun ba emerjénsia.	Partisipante sira & Ekipa Fasilitadór husi WFP (Elder Nunes) & APC (Martinho de Fatima, Antonio Viegas & Severinho da Costa Oliveira)
14:35 15:55	Grupu Traballu Sesaun 3: Análize Prontidaun no Kapasidade Sistema nian	Partisipante sira & Ekipa Fasilitador husi WFP (Luciano Quintão) & APC (Francisco Fatima da Cruz & Pedro Horacio)
15:55-16:15	Intervalu Kafé	Partisipante hotu-hotu
16:10-16:50	Sesaun Grupu Traballu 4: Mapeamentu Parte Interesada sira	Partisipante sira & Ekipa Fasilitador husi WFP (Joni Barreto) & APC (Cesario da Silva Marques, Agostinho Cosme Belo, Nur Alarico Saleha)
16:50-17:00	Pergusta, Resposta, no Konklui	Supply chain (kadeia abastesimentu) - WFP

Aneksu II

Loron 2^u – 15 Nov 2024

Oráriu	Atividades	Aprezentadór/a
09:00-09:30	• Rekap loron 1 ^u nian – Diskusaun no Kafé	Supply chain (kadeia abastesimentu) -WFP
09:30 -11:00	• Sesaun Grupu Traballu 1: Mapeamentu Nesesidade Kapasidade sira	Partisipante sira & Ekipa Fasilitadór husi WFP (Luciano Quintão) & APC (Cesario da Silva Marques, Agostinho Cosme Belo, Nur Alarico Saleha)
11:00-12:00	• Sesaun Grupu Traballu 2: Mapeamentu Nesesidade Kapasidade sira	Partisipante sira & Ekipa Fasilitadór husi WFP (Elder Nunes) & APC (Cesario da Silva Marques, Agostinho Cosme Belo, Nur Alarico Saleha)
12:00-13:00	• Intervalu ba almosu	
13:00-14:00	• TOR ba Grupu Traballu Lojística	Partisipante sira & Ekipa Fasilitadór husi WFP (Inacio dos Santos) & APC (Pedro Horacio -Xefe Gabinete ba Prezidente CPA, Francisco Fatima da Cruz & Severinho da Costa)
14:00-14:30	• Etapa tuir-mai	Partisipante sira & Ekipa Fasilitadór husi APC &
14:30-14:45	• Konkluziun no Diskursu Enseramentu	Supply chain (kadeia abastesimentu) -WFP

~Taka~